



Maćica Serbska a redakcija Serbskich Nowin přeprašujetej na diskusijny wječor wo serbskej hymnje štwórtk, 22. septembra 2022 w 19 hodź. do Serbskeho domu w Budyšinje. W januarje toho lěta je Maćica Serbska pod nadpismom **Su jenož „mužojo hódni wěčnoh wopomnjeća“?** přeprašyła na zjawnu diskusiju wo serbskej hymnje a runočasnje podała namjet za mjeńšu změnu jeje druheje štučki. Jako fachowc a znajer twórby Handrija Zejlerja poda dr. Franc Šěn na spočatku krótki přehlad wo tekstowych stawiznach serbskeje hymny. Na podijowej diskusiji wobdžěla so nimo předsydki Maćicy Serbskeje dr. Anje Pohončoweje tež basnica Róža Domašcyna, bórzomna studentka Lawrencija Hawšec kaž tež FSJnik Maksimilian Gruber.

W druhim dźělu změje publikum składnosć so wuprajić abo prašenja na diskutantow stajić. Moderatorka wječora budže Cordula Ratajczakowa, redaktorka Serbskich Nowin. Wšitcy zajimcy su wutrobnje přeprašeni!